

Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 6. Magnanimitatem non aduersari Christianæ humilitati.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

am non sine fortitudine intenditur: non tam
men eadem est fortitudinis & magnanimi-
tatis honestas. Aliud enim est, operari,
quia decet hominem non auerti à bono ob
adiunctam difficultatem, quod est motuum
fortitudinis; aliud operari, quia hoc est
fundamentum magni honoris debiti, quod
est motuum magnanimitatis. Hinc dedu-
cit Aristoteles, magnanimum, magnos ho-
nores, si exhibeantur, tamquam sibi ac-
commodatos admittere, deque eis cum
mediocritate gaudere: quin, etiamsi non
adæquent eius meritum, si tamen à viris
probis deferantur, eos non deginari; si-
cut deginatur honores à vulgo & fæce ho-
minum, vel ob res nihili, exhibitos: quem-
admodum inhonorationem quoque etsi ea
se indignum agnoscit, quia est recto animo,
despicit prorsus, si à vili homine, aut terræ
filio, vel ob rem nullius momenti infera-
tur. Est enim hoc aliud nihil, quam si musca
mordeat leonem, aut auicula grauet ele-
phantem.

§. VI.

*Magnanimitatem non aduersari Christianæ
humiliati.*

Hanc Aristotelis de magnanimitate do-

B 2

Crinam

Viues lib.
 de corru-
 ptis disci-
 plinis.
 Medin.
 lib. 2.
 paræn.
 cap. 3.
 S. August.
 lib. 83. qq.
 cap. 36.

strinam Viues & Michaël Medina , tam-
 quam Euangilio & virtutis naturæ repug-
 nantem carpunt. Et videtur ijs suffragari
 D. Augustinus his verbis : *Ubi fuerint car-*
nalium voluptatum illecebra superatae, cauen-
dum est, ne subrepat atque succedat cupiditas
placendi hominibus, aut per aliqua facta mira-
bilia, aut per difficilem continentiam sine patien-
tiam: aut per aliquam largitionem, aut nomine
scientia vel eloquentia. In eo genere est & cu-
piditas honoris, contra qua omnia proferantur
ea, qua scripta sunt de laude charitatis, & de
inanitate iactantiae: doceatur qz, quam sit puden-
dum eis placere velle, quos nolis imitari. Aut
enim boni non sunt, & nihil magnum est a malis
laudari: aut boni sunt, & eos oportet imitari.
Sed qui boni sunt, virtute boni sunt: virtus
autem non appetit, quod in aliorum hominum
potestate est. Qui ergo imitatur bones, nullius
hominis appetit laudem; qui malos, non dignus
est laude. Hæc Augustinus verè, sed ea, vt
videbimus, neque nobis, neque Aristoteli
aduersantur. Neque enim semper genius
Magnanimi, quo plerique abutuntur, pro
Aristotelica magnaniitatis natura accipi-
endus est, cùm facile transeat in genium su-
perbi, & fumo, vt dici solet, flamma proxi-
ma sit.

§. VII.

§. VII.

Quatuor modis gloriam appeti; sed non omni-
bus bene.

Vt ergo neque magnanimitatis virtutem
exscindamus, & quo modo Honor & Glo-
ria appeti possit, vel non possit, perspicue
ostendamus, illud discrimen tenendum est,
quatuor modis appeti posse honorem. 1.
Nudè, & absolute, vt ordo ad conuenien-
tia, id est honesta parandæ gloriæ media-
neque includatur, neque excludatur. 2. Vt
ordo ille excludatur, vel in totum, vel ex
parte, honorque indebitus, hoc est, vel sine
meritis, vel sine tantis meritis appetatur.
3. Vt primariò gloria desideretur, quæ
virtuti debita, eiusque iustum stipendium
est, adeoque vt media quidem honesta non
excludantur, sed præpostero ordine ad va-
nos honores laudesque humanas, tamquam
ad finem, referantur. 4. Vt & ordo ille ad
actus honestos includatur, & honor, qui ex-
petitur, ad divinam gloriam, ad nostrum,
vel alienum commodum, vel alium bonum
finem extrinsecum referatur. Si primo mo-
do honor, media scilicet bona neque in-
cludendo, neque excludendo, sed præcisè
appetatur, appetitus ille est indifferens ex-